

Загъсна заводин гардвриг ясрулхмн

Яшалтинск загъсна завод „Улан манцд“ нидн джилин апрель сард Буденновск селәнәс гарч ирдж кәдлмшән эклснл. Кус-дундур джил давсн болдг боьв чигн, завод батрлж йоста кевәр кәдлмшән делгүрүлдж чадәд уга. Эн джилин түрүн брәлд загъс аньллгәна зурагъан зуг 53 процент, загъс белдлж гаргылгәна зурагъан—49,4 ироцент күцәв.

Завод нигдж муугъар кәдлджәхин түрүн уршгнә—заводин гардврнә сул болсна учр гидж келх кергтә. Заводин директор ур Нюжгиров загъс аньллгәна государственн зура күцәхин төлә гүдждрдж, йоста тодрха, чадмг гардвр теткдјәхш.

Эн джилин түрүн брәлд загъс аньллгәнд гарх зөвтә то загъсчир күцәйн гаргүгдсн уга. Дакад болхла, загъс аньллгәнд йовсн загъсчирас негнә чигн зурагъан күцәсн уга. Үлгүрлхд, ур Онджановин гардджах бригад 400 гар центнер загъс зурагъасн тату орулдж бгв. Зәрм загъсчир загъс аньнхин орчд кесг бдртән хара гертән сууцхасн йовдл бәйв. Гурвдгч бригадин загъсчир хойр дундур сарин әргцд зуг 28 центнер загъс бәрв, зурань болхла 500 центнер бәаснл.

Загъс аньллгәна зура күцәгдлго таслгдсна гол уршгнә—күч-кәлснә болн государственн диг-даран сул болсн

йовдл. Заводин директор ур Нюжгиров болн загъс аньллгәна техник Парсунков, Манцин нуурт загъсчир аньллгә кедјәх гәрт хая-хая ирцхәдг бәәдж, гардвр бгч әдн ягәдж кәдлмшән кедјәхинь шуүдж хәләдј йовснл уга.

КПСС-н Яшалтинск райком болн района Советин күцәгч комитет заводин кәдлмшгч оньгасн гаргүкәснә үзгдлжәнә. Завод кәдлмшән эклснәс нааран, әндр бдр күртл райо-на организацисн бмн нег да-кдј чигн тооцагъан бгәд уга. Эн учрар завод алдас чигн дөвн-нөкд авчаш, кәдлмштн бәәх дуту-дундиг уурулдж чаддјәхш.

Загъсна завод гарутагъар кәдлджәнә. 159 миньгн арслн ору авх бәәснәнн орчд 13 миньгн арслнә гару бгв. Нег центнер загъсна уннә зурагъар 345 арслнә болхин орчд 1400 арслнә күрв. Яшалтин загъсчирин аньндж орулдж бгчәх загъсна уннә тегәд сән махна үнәс лавдјәна.

Загъсчир дунд политическ кәдлмш ик сулар кегднә. Эрсин газет гаргүгдш, агитатормуд батлгдсн уга, дбрлән бүрдәгдјәхш. Энүн деернә, загъсчирин бәәх бәәрнә му, олна хот-хол бурдәгдәд уга. Одмг, шикр, нань чигн тоотиг, хулдј авхин кергт загъсчир 35 километрт йовц-хана.

Манцин голд загъс аньл-

лгүг ик хаджгъар, ән тускар бәәх диг-дараг модьрун кевәр әвдј кедг учрар загъсна бслгәнд ик хорлт кегд-дјәнә. Манцд загъсна джир-мәхән 80 процентн цагасн урд аньнад авдчкв. Зура күцәлгүгд иим йовдл харч болдјәхнә ил. Дакад болхла, Манцд заводин загъсчирас талдан улс аньллгә кегәд, загъсиг тарагәд авад йовал бәәдг йовдлмуд үзгднә. Эн тоот хаджгърла түрүц ноолдан уга.

Завод шинәс тосхлт кех зурагъан цаньго хашнъгар күцәлджәнә. Тосхлтд 800 миньгн арслнә гаргүгдсн бәәснәс, олзлсн зуг 100 миньгн арслнә. Заводин болн Яшалтинск райо-на гардчир эн ик кергт багъар оньган тәвдјәнә.

Яшалтинск загъсна заводин кәдлмшинә унъгарнә сольлж ясрулх кергтә. Ода намрин путинә кәдлмш эклјәнә. Завод джилин хойрдгч брәлин зурагъан күцәсн деерән, джилин түрүн брәл бртә үлдсн 785 центнер загъсан аньндж, бас орулдж бгч зөвтә. Заводин белдвринә авад хәләхтә ик му. Эн төрәр Яшалтинск района күч-кәлсчирин депутатирин Советин күцәгч комитет даругъас куүндвр кесн ик зөвтә болхмн.

Д. СЮКИЕВ,

КПСС-н тангүгчин комитетин инструктор.